

欽定四庫全書

子部
仁端錄卷五



詳校官太醫院醫士臣程泰

編修臣倉聖脈覆勘

欽定四庫全書

仁端錄卷五

齊肅

拉期調台

毒之發也全賴氣血之化

氣之散痘之生也收減

通與不及此也雖其變有常不外表裏氣血虛實

明 徐謙 撰

陳葵 刪定

氣血之運行也又賴元
大四時之氣自有定期

寒熱所貴明哲之醫調之適中耳不但藥餌不可輕投
凡服食起居一切禁忌不可忽也

發熱賦

欲決重輕先觀發熱熱微毒少熱甚毒多大熱安靜兮
毒隨熱出小熱煩燥兮毒與熱留凶變莫測兮又熱又
渴輕疎可許兮乍熱乍涼是故初熱悠悠身熱尤宜氣
息和平二便如常面容不改兼之睡卧安寧便見痘來
順候順症如或肌色青而眈白精神少而倦怠再見便溏

覘乳痘出決然不振此症斷作虛看只宜補益為要

虛症

若乃腹滿口張煩躁便秘肌膚燥而毛色焦口氣熱而

身燔灼又加謔語妄言此症均為蓄熱

熱症

五竅不通須

防失血點來隱隱出恐復顛吐乳更兼劓眼面青又見

搖頭狂亂忽生發驚先兆

逆症

呵欠頓悶今肝木之因咳

嗽噴嚏今肺經之象手足稍冷而昏睡今脾土困於中

央面目帶赤而驚悸今心火炎於膈上惟腎無症耳尻

則涼泄瀉者邪盛于下嘔吐者邪盛于上氣逆而腹疼

隱隱毒盛而腰痛皇皇心熱甚而驚搐脾邪實而顛狂

口燥咽乾肺受火邪而液竭便鞭溺澀腎因火旺而津

亡

五臟所
現雜症

是故熱甚者只宜清涼發散不宜峻用苦寒

發散則毒得外出而熱自解苦寒則毒反冰伏而出愈

難未萌先瀉有熱症莫作虛看無熱症便為虛論止熱

瀉以清涼重加發散治虛瀉以溫補仍出開提

清溫雖
異發散

開提則同不過畧分輕重
耳總要提發毒氣在外

發熱辨

病有似是而非似同而異者即如發熱一節須辨而治之手足指微冷面青而慘煩悶惡寒左額有青紋無汗頭痛脊強傷寒也手足指微溫面赤而光鼻流清涕煩躁自汗惡風傷風也

陽以煦之故有清涕風者陽也若傷寒則冷冽以燥之焉得有涕若

熱驚熱丹等症又是火以燥之直是陽氣過分處故亦少涕又肺主皮毛風傷表故有涕若表邪傳內則當見

膿涕矣

眼胞腫而右額有青紋身熱而腹額最盛或夜熱

晝涼面黃腹脹不食或吐或利腹痛傷食也身熱而倍能食唇紅面赤小便閉脇腋下汗皮膚赤色時時啼叫

丹熱也面赤面青額中有青紋手掌心有汗

心包絡也

獨處

不寧

丁由外觸

手脈絡微動

此撩驚也如冬天欲發大風必有撩西風之候

驚悸此

驚熱也唇上下汗出唇中間起一白泡及耳陰冷者變

蒸也目閉面赤者胎熱也

目雖肝經乃五臟精華周身變革自驚抑先徵于目

雜

症之邪由外而入痘瘡之毒自內而出雜症只在一經

痘則五臟之症俱見故面燥腮赤呵欠頓悶乍涼乍熱

眼澀含淚睡中微驚咳嗽噴嚏譫狂吐利紛然雜出止

是耳聾冷尻冷中指冷耳後顙上俱有花紋赤縷乃為

痘症耳 熱有輕重有熱一二日即出者名鬼箭帶驚可救有

熱五六日出者

名愆期險症也

有熱七八九日出者

名逐盧

此皆

太過而正不勝邪愆期則氣凝血滯惟熱三四日痘一
出身即涼為正候毒輕即或出齊後有再熱者亦不妨
所謂蒸漿熱也故曰五穀不遇熱不結痘瘡不熱透不
徹熱太過者真元燥熱不及者陽明竭

發熱類

熱宜早退痘毒與時氣相觸而動內傳百脈外注皮膚

故熱者痘疹之常候也但熱甚毒甚熱微毒微微者勿藥有喜甚者必在初熱時調之宜早觀其毒重神昏即以清解之劑投之或發表或攻裏在所不避必使一晝夜表裏通和熱退為佳蓋惟解毒則熱必退退則自然明朗稀少若不早為疎通表裏則毒無出路小毒釀成大毒迨至出齊則順逆險大勢已定無可挽回矣

發表攻裏

二大兵也先天藏毒非周身和暢氣血無阻者不能盡出故必大兵乃可取效于一時

雖然熱又

不可驟遏也痘非熱又不能鬱蒸而出但須輕解之毋

令太甚耳

用藥須審發熱微甚若初發熱渾身壯熱焮焮然不渴
清便自調此邪在表拂鬱于肌膚之間宜用清揚之劑
發之升麻葛根湯甚者羌活湯 初發熱表不甚熱煩
躁不安口渴小便赤澀熱在裡也宜清解之用紫草膏
保嬰丹辰砂六一散犀角 黃連 黃芩 山豈根之
類 初發熱熱烙手目赤鼻乾唇燥小便赤大便秘煩
悶不安此表裏俱熱毒氣壅遏也宜發表通裏用雙解

散惺惺散

初發熱若有大熱當微利小便使心火下

引而洩宜用導赤散為上加味連翹升麻湯如熱甚痘
出紫黑者即于解散藥內化下保嬰丹一丸能令重者
輕輕者愈或用敗毒散化下稀痘丹年紀大者亟服消
毒化斑湯 初發熱有小熱則不宜利小便以損真氣
但當解毒用犀角地黃湯紫草湯消毒湯玳瑁湯如聖
散

汗後熱猶不退宜急服解毒退熱湯更研辰砂末水調

塗眼可免眼患不宜用紫蘇 麻黃 薑 葱

汗後熱不退而煩躁譫語宜用敗毒和中散

痘既出而熱猶甚者此毒未盡解難治之症只宜解毒利小便用加味升麻湯

熱久痘不出蓋發熱三日見痘者常期也如經四五日痘猶不出熱勢不休者當分內外虛實以治之如風寒外鬱閉塞鬼門痘影焦紫毒鬱在內非用麻黃解毒湯微汗之則不解必要發出鼻汗

發熱順症

耳後紅筋色淡脈浮大而數身無大熱腰腹不痛神清
氣爽身熱和緩飲食如常二便調適三日見點堅硬碍
手肌膚溫如潮潤唇舌滋潔無胎聲清亮睡中微驚

發熱逆症

耳後紅筋色紫脈沈細而遲一熱出齊惡寒戰慄煩躁
喘渴吐瀉昏睡熱如烙手眼紅口唇紫黑破裂胸高而
突目閉無魂初熱遲見紫斑吐瀉有蛔蟲初熱舌焦黑

黑點聲啞噦噎神昏腹中大痛腰如被杖見點而痛不止若表過痛止可治表後痛甚者不治頭面一片紅如胭脂頭溫足冷昏悶如癡渴飲不食下血吐血九竅流血掌紋出血齒縫出血頭紅唇白更加形色不善初熱腰痛而後見點點燈照心窩及周身皮肉有紅紫成塊此毒壅不出亟與解毒散血猶有可生之理面有大痘數點而痘不出復不除熱亟為挑破塗四聖膏遲則不救見點于眼角印堂髮際頂上復發大熱一齊湧出

及出痘後熱一次又出一次者均不治之症也

發熱三日症治

發熱第一日 初發熱症似傷寒但耳尖鼻尖中指尻骨俱冷為異耳須看熱之輕重以定毒之微甚也 輕症 初發熱乍進乍退或身熱而不思睡即睡而目不迷口不甚渴人靜神安小便自利淡黃肌肉溫平潮熱唇舌滋潔無胎聲音清亮睡中微驚便實如故是也其痘必稀不須用藥即用藥亦輕劑一服便止不可發盡

其熱反致痘難出也 重症 焇焇發熱蒸蒸作渴昏

睡睡即目迷口燥唇裂小便甚利尚未全鬱在內人半
靜神半安煩躁昏悶其痘必多急宜解毒發表主治如
升葛柴苓荆防翹查通芎赤芍之屬或參蘇散去參重
劑濃煎即以此方再煎消毒飲重劑一服留一盞調下
小無比散如未效調大靈丹必驗 危急痘 一發熱
面耳灼熱手不可近唇裂舌胎煩躁口渴發狂惡寒煩
悶目內白睛紅兩顴頰皆紅二便閉澀是也治以通泄